

AL PRÍNCIPE DE ASTURIAS.

Dios lu guarde, don Alfonso;
 Mil gracias i debo dar
 A so Má, que se dinó
 El traelu per acá,
 Como yo i lo aconseyaba
 En aquel probe cantar
 Que saqué al so nacimientu
 En el mes de Navidá.
 Agora ya q' aquí vieno
 Non se debe de marchar,
 Pos en cá del señor Conde
 Nada, nada i ha faltar.
 Y dirá con él á Deva
 A ver el agua saltar
 Per baxo d' aquella peña
 A ú la capilla está.
 Allá pa la primavera
 To llevahu yo á cazar
 Muchos grillos carboneros:
 Tamien hemos algamar
 Muchos ñeros de calandres,
 De xilgueros y reitán.
 To dai tortines calientes
 Con lleche hasta fartucar:
 Ha de dir comigu al orru
 Y allí tamien i to dar
 Bones ablanes y ñueces
 Y mazanes á fartar;
 Pos bien les merez vusté,
 Que ye tan guapu en verdá,
 Que paéz un anxelin
 De los q' están é ná altar.
 Pero mu magüetu soy...!
 Como lu to acompañar
 Siendo yo un probe palurdu
 Y vusté Principe Rial?
 Ay, Señor, todo ye un suaño!
 Pos non me puedo allegar
 A vusté, que si pudiera,
 Habia decii á so Má:
 Déxeme dai un besin
 En so manina no mas,
 Ya q' en so cara de páscua
 Dengun i lu puede dar.

A. S. C.